

瓠山遺藁

瓠山遺藁序

河西金先生之後多醇德篤行之士其在北下則若
逸參奉水樓益休逸參奉清齋章煥其尤也清齋祭
其四從身瓠山喆煥文以爲水樓郎文正公克家之
孫瓠山有博通無滯之才精於性命理氣之學期以
先生克肖之孫瓠山之爲賢槩可知矣公年弱冠贊
謁願齋黃翹贊先生留其門下三年淹貫經史願齋
以知行二者分先後輕重贈以三絕詩公嘗夢見朱
子朱子以責陳同父者示之願齋聞之以爲此事不
可無記又以二絕詩勉之願齋之來公加麻環絰換

以六首一生執心行事不出乎師門旨訣動靜云爲
合於規度當時稱師門高第至於科文亦不等閒試
藝場屋三中鄉解自後不復出脚而存心理學以終
其年所著有遺藁幾与盡佚於庚寅兵燹只有詩集
畧千有眼者見之自當有品第嗚呼公豈以文章論
者哉蘆沙少時受業于公公有贈奇童詩一首世稱
蘆沙不有師受然蘆居淳昌公居中坪相距未一舍
幼時受業恐或然矣六代嗣孫載頌恨不曾身發行
乃以此付古文研究少仲景仰之私云

丁丑暮春節黃州邊時淵謹序

孤山遺稿卷之一

詩

戊申十一月日始見頤齋先生云云

冬至

讀大學

思親曲 乙酉

歸觀時上先生

上先生壽席

奉次原韻

和諸賢遊龜巖書齋遺墟韻

蘆嶺途中

詠孔子

奉次丈席梅柳二絕

英類軒西池

敬次先生雨中賞蓮二絕

夜夢事君至大之位云云

在壽洞時思歸作 過全日貴碑

挽三從祖竹翠翁 其二

頤齋先生挽 六 咏晦村池魚

敬次李上舍以鑲巖下十二韻

戊午至月初六日大小家自密登僑居于晦村

中坪 二 大言詩

龍潭有侯亭 己未端月楸行過密登

黃丈温叟氏 曹錫 挽 黃丈孟陽氏挽

偶吟 二 挽李上舍 以鑲〇三

秋城守李東野九世祖卽讓寧大君云云

壬戌夏登後山吳上舍杏亭

重陽

冬至曉偶吟

癸亥十月十六日夜

與宋仲溫循默

冬至前日逢仲溫

臘月辰日種竹庭前敬次先生水樓壁牧丹韻

除夜

次小心齋韻三從叔
有休

次小心齋十二咏

沙川伯南乙珠云云

完山覆試歸路云云

與仲溫夜話

偶吟

次遜菴八詠韻

贈奇童金賜

安參奉浩云云

次陳無己妾薄命韻 =

偶吟

春遊前溪 戊辰

次芙蓉堂韻

挽沃川三從叔 =

贈嶺南族人

懷孟善久不來

雪月

梅 =

冬至

雪

竹

松

雪夜讀書

山

飲酒韻

輓詞

贈高敞迴婚禮韻

次蒙養齋韻二

玉縣觀燈

四月山行五
孤鶴行

詠白鶴

貧簷鋪見壁間題詩嘆不知題者何人適與予

意會詩初試入格

鏡湖秦望之遊月三四詩初試入格

記

瓠山記 已未

瓠山遺藁卷之二

附錄

送金子明歸觀 三首

頤齋先生

金子明言夜夢云云 二首

全

與二兒話有懷子明

全

子明重侍下

全

挽詩

四從弟箕煥

李友得

祭文

父

季弟杰煥

族兄章煥

四從弟箕煥仁煥

族姪堯錫

墓碣銘

六世嗣孫載碩

跋

載碩

戊申十一月日始見頤齋先生。問所從遊從學
先誨知行二字曰大學八事格物致知二字工夫也
誠意正心修身齊家治國平天下行字工夫也若
論先後則知先而行後若論輕重則知輕而行重知而
不行與不學無異蓋知行不可不齊頭做 先使
作詩曰瀉汝心中所有對曰

倏送光陰醉夢中年將二十事無終始知學問從師
友所願平生得道東

冬至

昨夜雷生餘今朝日永初遠來三益人函席樂何

如

一團天地稚陽初八域江山大統客自東南文以會
函選心集夜何如 餘

讀大學偶吟一絕

大學從來入德門三綱八目此中存精思熟讀終
當見至境工夫復性原

思親曲 已酉

時瞻半芋東家在白雲中日夜思親意悠悠與
歲同

歸覲時上 先生

雲樓統緒屬興城永得斯門寄此生脩己工夫尊德
性誨人規則若權衡詞林習身歸栖密學海游魚
樂水清來往從今任責重常存敬畏日明

上 先生壽席韻

從來太極已酉開聖歲貞元又一回身處江湖憂國本壽
齊天地杖桃杯子孫喜懼愛西日賓客歡娛滿北堂
六十慕親函席見品崇明德遠朋來

奉次原韻

天地運元氣東方有一人幸生五百歲重值劬勞辰
栽蔚終衰志班斲未着身兒孫喜且懼白髮更加新

和諸賢游龜岩書齋遺墟韻

東嶽峰巒入上天蒼龜屹立老風烟十層白霧出巔
宥萬斛鳴泉石角連琴和詩成開別界雲高海闊
香漁艇諸公未說迤邐景瓦把遺墟世已傳

蓋廬嶺道中作

山從聳峰連漢水流水滿科人生須自彊直前勿放過

詠孔子

仲尼一太極元氣四時行韋生集成後吾道日星明

奉次口丈席梅柳二絕

白先紅後護隣孤雨打米腮正欲癯誰把寒英調鼎鼎

自將幽隱共踟躕

蓮花池水抱株流，上有繁陰下可休。
粟里風光徒在此，塵寰肯作折枝愁。

芙蓉軒西池

鳳仙紅暎水，君子香聞樓。倦乏看書暇，消搖池上遊。

敬次先生雨中賞蓮二絕

綠柳紅梅共隱籬，一般清流又臺池。
池邊小雨滌塵土

淨方覺踈襟灑落時

灑落明珠正顯微，無端動靜任風機。
淤泥好保清香節

卻似瀛溪挹輿歸

夜夢事君至大臣之位國君幼冲臣下強盛當受禪之
際與諸大臣俱以死節為約至傳位之時諸大臣皆投
降而獨一人義不奉新朝與我俱死我是以臨刑時吟
詩以諷諸大臣云云其朝聞牧隱行艱申蓋以其然而
狀耶

慟哭西山日悲歌北關時士林千載恨仁義有誰知
在壽洞時思歸作

淨滌天宇肅秋威九月寒生客子衣家在金鰲何日
到白雲南望鴈先歸

過全日貴碑有感作

孝悌從來百行原
牧丹巖下屹烏門
門前澗水滔滔去
自此滄人可索源

挽三從祖竹醉翁

壽考寧王又作人
堯舜之道自聖身
於戲沒世不可忘
青丘有祿化臣民
嗟我家聲自河曲
中間湛老最清真
體泉有源芝有根
幸得三祖餘韻新
傳家孝悌起八代
絕世名聲動四隣
斯指到股誰敢識
斷案分明有同春
賢者過之不肖企
廬墓三年得其純
美談藉藉傾鄉里
一代高標孰與倫

其二

不幸斯翁有宿疾嗚呼三十九年終非但時人多重惜祇
應吾道自此窮蘭洞空鳩長隣近感其誠壽自兒童紛
紜世事浮雲空淡泊生涯逝水同好月來時夕烟霧明花
開節却雨風刺史不薦朝不聞跡斷張生孝廉蓬執紼
搃是瞻企人銘旌誰題竹醉翁二月廿一歸先隴青山無色
天夢夢不敵墜詩猶染翰一篇簫歌感我衷

願齋先生挽

雲樓統緒屬願齋北學南來道與偕寶重斯文餘韻在
開來緒往得樸櫟其一
先有龜巖後晚隱越松家世冠南鄉靈芝美醴根源在

種德高門後慶長

其二

儒林根祇國禎幹山斗名聲一世高明體真工兼適用
精微義理盡絲毛

其三

從來間氣幾回年才是英豪學聖賢集會粹精
慕陶粟泝泗源派接陽泉皇王禮樂知行具天地經綸輔
相全確斃神龍難可拔有時潛躍在深淵

其四

義不逡巡勢不趨平生科宦浩朕軀有官則起無官卷
豈是窟窟鑽穴圖

其五

常依北斗望吳東萬幸如今一夢空自此湖南應寂
寞嗚呼小子竟誰從

其六

咏晦村池魚 丁巳八月

池魚非克臬物性失其天靈沼應無網濠梁亦不筌
旱憂塘水涸殃怕里門燃誰決西江水潛龍或在田

敬次李上舍以鑱巖下十二韻

九月以痘疫避憂白巖里時
余從避而和之

十里楓橋挾古渡蒲山紅葉勝桃雨天公種愛秋無花
故遣霜風錦樹作 右半登霜楓

支厦奇材傲雪姿磔柯多節少人知歲寒狀後猶孤
秀兀草閒花盡落時 右山亭雪松

觸石油然勢甚微山川元氣闔開扉如何化作崇朝兩
膚寸餘息一國肥 右江頭朝雲

三歎何年渡古河。胡僧登塔遠捫蘿。落月西峰知不遠。
殿聲鐘磬自祇陀。右道寺暮鐘

黃昏天氣正曛紫。樓出山眉鏡面似。近日金華仙子去。眠羊
卧石不能馬起。右羊岑吐月

道源無識息_下虛_上盈。靜夜灘聲入耳鳴。澗水澄清如許在。
肯教俗子濯塵纓。右道溪鳴灘

夜靜天機曉。復喧燈如星。宿列天根知。是者書兼紡績。
借光餘事在諱門。右明村晨燈

風便遠聲斷。續托杵歌。來自納禾場。亭亭喚起思鄉夢。
孤客頭邊一夜霜。右釜谷夜砧

肩荷簞衣首笠橫萬民無事自治生薄賦輕徭皆聖德
爾謠聊以答昇平 右般墅農謳

帶鑷荷斧斫青巒紫笛聲聳落日寒聞此猶為塵泥
行逢樵牧笑相觀 右沙峙樵歌

筭石橫櫟駕水濱乘安行旅日紛頻鄭僑莫且乘輿濟
冬日元無病涉人 右虹橋行人

飛鳥依人豈射宿任他雪夜停磐隙朝來怕有鷹鷂
驅慎向階除啄粒粟 右茅簷宿鳥

戊午至月初六日大小家自密登僑居于晦村中坪偶吟

偶吟

三十年來漸覺非聖賢遺語 依歸淵虬肯使妖猷舞海
鳥芳從斥鷃飛青春骨立看書瘦日綦宵勝義肥家
貧親老今胡奈抱杯晨門有所思

又

貧家不幸又荒年斗米相論四五錢親饌無魚誠隕越
况曹索飯正凄狀糟糠適口宜循理窮賸無心敢怨天
浩氣胸中猶不餒讀書談道是希賢

大言詩

方寸之心七尺軀優優萬物此中輸靜時仁智溪山
樂動處經綸伯玉圖拔萃文章韓柳輩絕倫賢聖孔

顏徒世間能事何時畢
狀後方補大丈夫

龍潭有侯亭

亭以侯名志有傳
一門三守摠真緣
儉如白屋茅簷
尾景助黃樓竹似椽
銀瀑臥流雷
萬壑玉屏橫對畫
千年從來勝地須君子
德潤藍田寶玉烟

己未端月楸行過密登

復月攬移菴月來從遊
依篤喜顏開
少兒迎集爭言飯
故老慇懃更勸盃
蕩地那無狐首向
前林必有鳥群回
他人莫入家仍毀
行邁遲遲不敢催

黃文温叟氏挽

曹錫

越松家世汝南賢，積善從來後慶傳。
庭訓相承詩禮學，師門早侍侃聞。
迨兩難誰問陳，謀世二子方生商。
瞿年謾抱奇才終未試，悠悠此恨淚奔泉。

黃文孟陽氏挽

大哉願齋老，間氣是鍾靈。
心術今古史，學優聖賢經。
有才未盡用，餘聚德星。
芝醴有根源，家聲舊典刑。
白眉頎而秀，內蘊義外形。
孝友承克家，詩禮學趨庭。
律已與接物，君子有收寧。
陽秋史裡在，亦不渾渭涇。
山竦牢根水，波穩流濟學。
成為已儒，一世聳觀聽。
玉韞揮山氣，珠藏潤澤汀。
雖垂千祿心，聲氣達明廷。
聖上親擇士，道科冠百吟。

昔日劉蕡策，庶復今世聆。歎息公未赴，子時蒼卷下。始對
經禮問利器，新發硯湖南。濟濟士推公，作主盟未蒙華。宸
廢沉，二豎嬰誰和。賢叔度四十遽凋零，嗟。兩雛鳳踞
踏一脊，錫愧我久離索。未會執紼瑩，有意言不盡。橫臆
淚盈盈。

偶吟

至數從來有，除乘誰教。齒角不相承，冬蓮春菊天。無力徠
竹淇，松地未能貪。賤無爭，宜晦養。切名有定，戎冥并讀書。
其奈明農廢，百事橫心修。益增。

偶吟

衆口鳩黃一子明工夫到此益求精刮磨不害他山石夏
感徒來坐汝成

挽李上舍以鏤

以痘痕沒
於京

公昔巖村出痘夏寒鄉晚進始從遊可憐斯疾終為崇
丹旆南還漢北流 其一

忠義重光五阮編要從虛實辨愚賢同知名下多隨誘
恨未當年直筆傳 其二

琴中山水少知音巖下婁涼十二吟介削未承餘韻理
簫歌三疊淚盈襟 其三

秋城守李東野九世祖卽讓靈大君也廟號至德中年秋

城龍川二守具是讓靈君之曾孫也李東野祖龍川大谷
李祖秋城秋城墓在桐鄉子孫因家焉而居大谷里先是
玉果昌平二守亦是東野之諸父訪其大谷里之族人
瞻拜古秋城之邱壠而會于楸下今東野亦修二公前遊
以叙親親之義仍賦五言古詩一篇俾其族人和之其族
人謁余以替作因和二篇以貽之詩曰

湖南豐沛地孱孫落茲土昔聞讓帝賢至德又吾祖
不廢鄭寶玉有介魯天潢分一派昭穆序文武秋城舊
藩屏龍川大門子前遊二公後賢守又灑府先壠還生色
松杉葉樵斧仕賢承唐制路人笑陶譜時時朱墨暇伐

木連諸父本支百世祝完山碧萬古

又

倚歟至德廟千古煥東土龍川有道孫秋城不添祖本支
百世因藩屏叔父曾落落京鄉間信息幸接武通籍
君金門還堵我筆彖一麾介 聖夏先烈望明府蒲敏
宜用鞭柯則不遠斧楸根護先隴漩源序鶯譜誰知花樹
會後遊續詠父我李親義安得今猶在

壬戌夏登後山吳上舍杏亭次 皇明詞律相與和
之

重到山亭頓忘歸碧梧文杏尚依依三盃白酒君家釀

四月清風客子衣
籬竹扶疎春後老
片桃輕薄雨先飛
山陰夜雪留佳約
逢着何須後日稀

重陽

茱萸挿髮任風斜
落帽詩中杜大家
誰識東籬寒處
士佳辰無酒對黃花

冬至晚偶吟

冬至年年是太初
從茲萬物盡權輿
善端陽復添工線
惡念陰消載鬼車
足躡重天觀易韻
雷開萬戶啓篆書
始知不遠工夫在
三字神符道有餘

癸亥十月十六日夜與二弟偶吟絕句

一氣挾朕塞兩間此心快處此身閒
朝晝莫傷清夜養
終者佳木長牛山

與宋循默

字仲溫

歲月欺人荏苒過眼前哀樂一何多
荆歌阮哭無時盡
鐘耳牙琴合處和豪客襟期吟白雪
聖人消息問
黃河劇談此夜君無惜明日那堪各返家

冬至前一日逢仲溫又吟

陽復天時七日來逢君此際我心開
可憐適值西湖禁
空負青蓮對月盃

臘月辰日種竹庭前敬次先生水樓壁牧丹韻

此君誰識寒_下歲姿_上洛下江南揔不知
穀莖雖小勤培植
爭出龍孫必有時

除夜

喚起中宵二笋眠
承歡膝下共陶然
光陰如水人須惜
一夜中分喜懼年

次小心齋韻

三從叔履休
六辨

心能有主不淪空
翼之工夫敬在中
不改_奇單鬚頽陋卷
有聞百世惠和風
一生戎懼傳河祖
三鼎淵源有水翁
門外晴川流潤德
小齋花竹自西東

次小心齋十二咏

鰲背地光暗曉室，眼逢因西嶺見東日。夕陽荏苒朝陰地，
爭奈浮生大老至。右摩嶺初日

六鰲何日已霜骨，海上流山屋後兀。恍對瀟溪夫子面，
寒潭千古映秋月。右蓬山霽月

登山欲訪蔡經家，清淺桑溟近若何。古冊或有丹砂竈，
無乃朝烟化紫霞。右麻姑朝霞

湖左名山有出羣，半登祀典豈無文。不待崇朝天下雨，
油然願作卷山雲。右半登歸雲

天上何時有石磷，茲山孕氣隕星晨。蒼然一壁高千仞，
頓似塵寰獨立人。右磷峯石壁

復隍殘郭繞空山
事在三韓樓榭間
昇平日久無人識
不獨威孫廢六關
右城山古塚

寺在雲山十里峰
晚聲知是谷風從
老禪豈識心樛捨
遙憶同安警此鍾
右東菴晚鍾

雄鎮湖南是空巖
金湯千古過晴函
幸生無事昇平世
夜火如烽不戒嚴
右空巖夜火

稼亭春夏日聞歌
知是豐年黍稷多
巷謠何似郊風韻
以備地時樂府哦
右稼亭農歌

春堤十里日將夕
和角村兒和葉笛
多是殷賢三騁野
今來誰似古奚戚
右葦郊牧笛

石為門戶雨成溪照日泉簾掛水屏勢若滔滔雲漢扶
肯教徐子惡詩題 右新溪瀑布

來朝喬嶽若流川利競刀錐德不忍門前有帝心如水
還笑成都賣卜賢 右德川開市

汝川伯南乙孫卽開國元勳在之叔也八我朝不仕隱於紺
嶽石窟中世號南仙臺者此也其後 肅廟朝配享於麗
朝嶺南按庶使趙侑之祠侑亦元勳浚之弟也不仕號松
山至正廟朝賜額益節其後孫彥斗氏携其賜時多
士詩軸要余和之敬次其韻

屢回 御札不朝宸身屈何能道義仲離立丹青雙廟又

重慶貞節兩朝新殺家僅羨三仁老周世休言下亂臣
詩和薇歌餘韻在首陽山色又宜春

完山覆試歸路逢金載博宿于馬山張生家次杜子美
韻以相贈別

瑤石高山久仰名南州文士此間生偶因塲屋新詩見
幸遇泥塗熟面成舉紫人年歸鍊熟有司何日更公明
終宵風雪天何意為挽行人程別程

與仲温夜話因口號

得莫欣欣失莫悲百年人事一枰碁今夜聞君相勉語
令人方寸豁然時

偶吟

擁衾中夜到鷄鳴一念孜孜百善生如無枯棗平朝氣
豈復胸中鄙吝萌

偶然抱膝吟似有不平心十載屠龍劍誰知百鍊金

次遜庵八詠韻

雨後清川上下天天添明月浩無前若使洗心藏密迤
世間真有影娥仙 右洗川霽月

雲入青山恐不深有時出宙自無心若比世人聞者爾
捲舒只在此山林 右芳山宿雲

店烟一抹翠帶江頭散作齊州九点秋起滅須臾何足道

暮山先景石鱗流

右碑店暮烟

簾外高岑只麼青
東方欲曙霧冥冥
晚來捲盡青天曙
恍若唐虞今日亭

右秋岑晚霧

一洗塵腸土胃空
山歌清絕夕陽風
漁樵問答今誰在
右龍從來與古同

右雉山樵歌

冲背斜陽十里遥
數聲葉笛過崩橋
靈龜倘下維魚夢
考牧周詩不寂寥

右龜山牧笛

林木斜風道草萎
滿山禽鳥送人啼
行路難於天上上
巨灵何日劈東西

右天時行人

夜火如星逐水花
汀沙陶白露葭蒼
如此江山無一句

穿魚空換柳橋鶻

右石湖漁火

贈奇童金賜

現夢河西先祖
四枝名金賜

北在熊羆占夢初
兒郎志氣巨人如
真儒學業窮經始
才子文章做奉餘
馳騁何須班馬史
沈潛莫若孔顏書
錦江當日從河祖
不盡淵源在是歟

安叅奉誥有大學歸極之書其意以學之三綱領當易之
三才八條目屬八卦又云雖無補三章無妨云。而學易
合為一貫說又有四韻詩以道其梗概因次其韻辨其不
然

子雲何待子雲知一部玄經大半非曾傳工夫先格物

羲圖卦象自隨時吾如偏信人誰信學到無疑世或疑
歸極新書都硬定子雲何待子雲知

次陳無已要薄命韻

願言思君子弱水香三斗誰知借老約相從只四年一別
今幾歲松杉蔭故阡秋風吹不歇容顏銷鶯妍庶哉保
貞操有解拜九泉古人獲我心栢舟更可憐

其二

象卉至秋愛池蓮獨守紅一別難再遇悠悠天地終邇來
十八年身命益云窮如入別間戶豈無悅我容苦節羞再
醜大義重三從此生矢靡他歲暮悲寒蛩

偶吟

清風明月主人翁，豪氣平生興不窮。
十年欲斲壘觴政，其奈寬心酒有功。

春遊前溪

戊辰

大寒之後見陽春，天道分明愛我人。
潤物神功新雨化，調元和氣谷風臻。
程氏遊筇隨柳日，魯賢新服浴沂晨。
四端感發仁為長，萬理昭森備一身。

次芙蓉臺韻

風月無邊草映庭，蓮峰^氣粹在^亭肯構賢孫深。
有愛方塘秋水在，古今清

挽沃川三從叔

倚歎吾祖有賢孫祀典規模百世存
一子傳心詩禮篤七旬儲
老古今尊廉明美事傳三郡敦睦餘風化一門積善家中
餘慶在孰云芝醴不根源

兩家今歲難^誌忱天逾月之間緇化仙地下若逢吾叔父為
言屢姪事茫然 其二

贈嶺南族人

同宗百世本支親吾祖觀之摠是孫君為悲涼先隴拜
我知昭穆譜書因半千里外他鄉客四百年前一室人復
道何時重見面湖雲嶺月別愁新

懷孟差久不來

血氣方當未正時人能知戒到曠期志存溫飽非佳士望
甬平生我有思

雪月

四面青山愛玉峰丈夫志操是孤松今夕如逢堯舜世雪
中明月善形容

梅

寸土如金處士家庭前不種等閒花一樹寒梅知我否
雪中孤鶴向誰誇

其二

黃茅村下蔭茅家一樹寒梅魁百花後來若識調羹手
應有壯元宰相誇

冬至

天惡窮陰復一陽玉圭測影日初長愧我家貧連禮節未
修祖廟薦椒觴

雪

隨風舞下誠奇絕見曉溪流乍寂滅厚衾煖室吾猶苦哉
處飢寒一怨此雪

竹

玉笋年々改茅長歲寒貞節始成霜筒已琅玕誰為熟

應知母穴有飢凰

松

仙術傳來眼食人唐堯恨不壽千春還將植物加封爵
所以當年二世秦

雪夜讀書

晚起看書繼以昏滿天風雪閉衡門孤燈一點嚴師在對
越心中道益尊

山

茗置星羅作者天唐虞薰物幾千年萬壽無疆元禮靜
自然氣味衆仁賢

飲酒韻

吾道誠難傳一貫門人工課有間斷寶匣瑤琴餘韻在
阿誰學得廣陵散

輓詞

灵芝美醴有根源秀悒油然又睦嫻養志高風歡菽水
傳家經術勝箴箴五旬其奈仁無壽一里新成德有憐錫
類地時應不匱小陽暮笛淚盈巾

贈高敬迴婚禮

桃夭篤禮孔嘉新卷甲貞元癸酉春金母幽閒登上壽洪
崖修鍊認前身三星在天連南極旭日昇天卜上旬又有茲

蘭佳子穿繡衣猶眠侍芳茵

次養蒙飛翮韻

天教賢聖養凡常人一能之已百能培植嘉苗時若化提撕
明德日如升調來北土千金驥圖得南溟萬里鵬遙憶巖
齋先訓在相傳心法是傳燈

又

人從敬止養天誠誠道在邱隅得所驚占得童蒙貞吉訓終
知作聖有初程

四月山行

水石非塵境臨風欲喚仙溪流噴玉碎樵約入雲穿鐘磬疑

晴震山園覺小天
漕溪夕秀異欲忘不能然
溪谷花猶在稍喜
殿殘春如許江山景恨無唱和人
一絕

其二

朝從松寺遊暮向墻坪宿
倪而不荅名誰識吾為孰

其三

壽陵學步失其真
慚愧邯鄲笑殺人
藜筇芒屨羊山下
或恐家兒殿待賓

其四

山行終日夜無眠
直到鷄鳴欲曙天
烟茶飲罷爐灰盡
牧豎樵童雜卧筵

其五

芳草殘花四月時，叩推行色愛吟詩。
黃昏欲哭窮塗客，白眼還嘲教走師。
漸乏囊錢空手淡，每逢爐渴酒喉悲。
清風莫借南昌便，無復馮生搏虎思。

玉縣觀燈

觀燈此夜驚風洩，萬戶城中費萬錢。
西佛無靈祈福夕，東坡有跡救荒年。
窮民瀟雇難安業，惡少橫行易致愆。
績婦借書生空歎息，清油願一宵燃。

孤鶴行

孤鶴生九身，軒然整霜毛。
飛盡千里遠，聲聞九天高。
縞衣

與玄裳不如凡鳥曹有翼不墮網有足不受條不爭梁
鷲食不與怪鶴號處士猶不知仙人可與遨鳳之茅鴉兄
心潔澗秋濤偶以青田質却墮紅塵勞羣鷄聚而笑見我
相啾嘈

詠白鶴

長篇打走

紅頂啄流血白羽摧欲脩非徒笑而止侮我孤唳唳清濁雖
不類象寡固難料所以君子戒彙征貴拔茅唐世補韓陸
漢朝倚固喬胎化得秀氣處困不渝操不受樊籠繫高
飛路迢迢孤鶴有其侶同聲還相招忽欲遠飛去日夜望
赤霄

瓠山記 已未

白羊卽湖南之小金剛也。獲溪樓所記諸賢吟咏，罔可
見矣。其東南牛鳴之許，有晦谷。谷之上，有山而名曰瓠。蓋取
義於山形之似瓠也。山之北，有小澗，自月出谷，葢源逶迤西南，
流與龍崗鶴林溪合。其間泉石亦有可樂者。掬泉而飲，
木列而清，掃石而坐，苔班而奇，豈是出也。南有冠山，儼然如
加帽而趨拜。西有鶴林，兩軒並如飛鳥之回翔。其餘莊野，
農歌鼓洞，樵笛龍頭，朝烟於岩，落暉盡在。於顧眄之
間，大雨四時之景，小而朝暮之態，雖不及瀟漢之廣，幽
庵之雲，蒼若邇者，盤之碩人，居於是，而則不知其傳。

世者何如哉戊午冬余自^新密鳩卜居於斯而樂是山之靜而
圓二者動而不括靜者安而不危是故構數間茅屋而扁其
楹曰瓢山菴蓋志吾樂也陶山栗谷仍取其所居之地而補之也
靜庵尤翁別求其所菴之義而名之也至於吾廬卽其所居而
兼取其義者也或譏余云孔子曰吾豈匏瓜也哉焉能繫而不
食匏者蓋物之至小而匏者又匏之苦而不可食者規於匏有苦
之詩可見夫子之以匏名廬者何也余呀咤而笑曰客非仁者安知
山之樂乎山之體過於玉石之瓢而不為無用之物山之人懼於
與瓢之裂而不有爭權之心無以微宋賢罕言之理矣陋菴
可以慕曾聖不改之樂則優哉游哉庶可以終吾生而徜徉

貧簞舖見壁間題詩嘆不知題者何人適與予意
會詩初試入格

若有人兮秋水漪白露如玉簞後翠丹厨灰死葛仙
訣釣臺塵生胡丈字舖前瑞草爲誰在圭復其言悲
我思邕籬老夫抱經濟斯世何人知我意楊花氣象
笑富貴杞菊田園謾措置琴書抱歸過遯日自笑年
來做甚事貧簞不憇客過餘題壁新詩言素志瑤絃
已斷隱士操紫芝空餘王者瑞詩能盡意不盡面可
惜其人才未試光陰鼎鼎百年間真逸雲臺晚跡寄
陶鎔水石事已晚壽民金丹時未易心中默契壁上

詞不知阿誰先我至時迴轍城士抱琴路隔雲山人
荷簣裹翁有志事未就古人今人同一支策由蹤跡
子何去堯舜君民吾有愧茅茨近成武夷菴泉石居
然詩以記東岡歲月世已忘南到山河時不利歸來
又嘆壁間詩袁友書中吾意示

鏡湖秦望之遊月三四詩

初試入格

蘇杭唱和傳詩筒故人風流有居易禹穴探跡千古
奇廣陵觀濤八月值東南勝景二美具幕賓時時從
我至文章奇氣愛山水到處優遊詩酒事花樽昔携
洛陽橘蓮社新結慈恩寺巫雲杳茫海水濶仙子平

生吟弄寄名區作吏是我幸南斗山川元氣萃湖明
西子畫眉水山近秦皇騁望地天生流峙浙以東又
有駭人皆我類南樓月引庾亮步東閣花明何遜解
江山如許豈不遊蓮幕嘉賓從一二黃堂朱墨有暇
日每月清遊問幾次詩如子美謫仙人地待西湖會
稽吏茲遊欲罷不能忘一日之間每三四山容罷霧
水磨鏡何幸微之行素志天鍾人傑地靈會遂蘭閒
時月往視南州勝遊有賢佐北闕今憂歌聖賜稽山
湖水幸遇人盡入當時健筆記

瓠山遺稿卷之二

附錄

送金于明詩煥歸觀

頤齋先生

有擔百斤有路千萬里要復硬脊梁亦須勤步履
此事在終身勉勉安可已我少不逾人我老尤無謂
誤君自遠來相守今二禩歸庭樂有賢劄目且待子
金子明言二月二十六日夜夢至一大廳謁朱
子朱子出所為文字責誨陳同父者示之斯事
不可無記因以二絕相勉

全

真英雄出戰兢中無奈龍川只事功膠漆未祛金鐵

混可憐孤負考亭翁

自古元無表聖賢三孟豪興祝融顛平生欲學難能
地與子相期一敬傳

與二兒話有懷子明

全

君去無人說此心月明西塾夜將深春秋一部山燈
下應憶吾家白雪音

子明重侍下

龜湖候封

頃枉甚荷比日風陰未委重侍為學如何所詢春秋
主人習讀之說今考四傳則乃公羊本文而胡氏引
之以定公稱主人以為微辭隱語爾既有所考茲以

奉告而恨前日不得四傳不免固陋之歸耳蓋此乃成宗朝姜希孟奉命就集傳大全并以左公穀及註訓而東方儒先治春秋者絕無而僅有以致傳印之不廣今何幸得諸孫氏之遞借而五十五卷中未來者尚有十八卷已再托成買而何可必也如果買取則願子明之一來相講也又聞本主鄭家求賣不得渠必終賣于我矣此中僅支而晦妹葬日再退于廿八令大兒操文代哭其歸必歷候尊庭袖此書以呈而兼吊大成几遂因進致拙挽力疾老草不宣謹候狀
辛亥二月二十一日服人胤錫頓首

大成今日入地哀哉惜哉

挽詩

斯文正脉有淵源湛祖家中克肖孫夙歲文章應需用平生孝友莫間言大才將擬韓公器短景胡然顏氏門况復西河貽至痛千秋難慰九原魂

昔我童年負笈隨親為兄弟道為師每吟花樹申怡悅時下頂針釋難疑天理曾知仁者壽人亡其奈後生悲經綸未試中道絕俯仰人間哭公私

丙子四月初四日四從弟箕煥再拜哭挽

鰲城有一士伯健是君子湛老家傳訓名南貧不恥

教兒道友弟爰士出澹樂已矣去何處凄然強寫誄
月峯李友得哭挽

祭文

維歲次戊寅三月朔朝父陳此哀辭于七子誥煥之
几遂曰汝其胡然而來胡然而歸汝先我而死謂之
孝乎不孝乎我後汝而生謂之吉乎凶人乎子死父
生生亦何爲連世逆理之禍積我不善之致嗚呼痛
哉汝年五歲汝母早世多有疾病伶仃難養十歲始
教文字聰明綱紀將有遠大之期十九志于學託于
願齋黃丈門下五書五經四年學習還庭後六七年

專治十書循環講磨其他群賢義理之書諸子百家
之語無不披覽近於博識可謂通經學能詩文之儒
頗有繼先世裕後昆之望屢試鄉解不得小成年未
五十忽為長逝天耶命耶汝父無德遭此凶殃汝生
無祿徒費精力豈不痛哉豈不惜哉性本忠清剛直
賴有家中諍子無隱三年吾過實多先賢有言久壽
不貳非不知命道而為此無益之悲門戶裏替事業
無迹得不哀痛汝之二子無恙課讀教訓無方成就
難期汝放冥冥中或可默祐耶言之至此五內摧裂
日月流邁終祥隔白靈如不昧庶幾歸來嗚呼痛哉

又

維歲次戊寅二月己巳朔初一日季弟杰煥敢昭告
于伯兄主靈筵壽元短促祚薄門衰棟梁已折大廈
誰支家本貧寒篤工忍飢讀書千卷不遇一時上有
老親哀痛罔涯下有妻孥血淚長垂嗚呼痛哉精靈
或知長子先天只餘二兒地下相逢倘或提隨人無
兄弟孰不侮之如弟冥頑依託有誰親則爲兄訓則
爲師一去泉垆相向無期每日涉岡云誰之思言念
百事不勝酸悲絕倫聰明嗚呼誰貽出等才曷嗚呼
誰遺聖學軌範永言在茲用心公平一分無私正直

言論人服清儀篤實行檢世稱質資志氣未伸爲嘆
時遲學業未試爲嘆數奇訓弟言箴正如著龜自兄
棄世弟如生尸乙丙連喪天難諶斯如何夭折一空
甚不家事葛藤哀哉噫嘻有身有子猶木之枝雖有
十輩難主宗祠先山守護將何以推先祀奉饗將何
以持哭向上天瞻彼南箕割我半體悲哀成瘕三次
移居未定完基兄弟相會每擬搬移遽然夭壽萬事
歸虧執手臨終未問難疑曾禱緇禮嗚呼誰爲弟本
殘劣有志未已兩姪成娶泣向窮歧何以忘歸淚積
成池至哀無文至情無辭將有不及哀極何追嗚呼

痛哉嗚呼痛哉欽哉尚饗

又

維歲次丁丑三月甲辰朔八日辛亥族兄章煥以菲薄之奠哭告于族子明之靈曰吾先祖文正公道德節義文章萬百世師享年纔五十一歲吾從叔父水樓先生孝友出天經學精透世稱以吾先祖克家之孫享年纔四十九歲公亦以純剛至情之性有博通無滯之才尤精於性命理氣之學吾亦期公以吾先祖克肖之孫公亦享年四十六歲嗚呼天何豐於吾家之學而嗇於吾家之壽耶難諶者天也已門戶

之責將誰任之子孫之學將誰教之六經疑晦將誰
質之一門著龜將誰信之公視我如親兄我視公以
難弟永日相對言不疊疊意實相孚結廬同幹會不
數數心實相照太極圖說之講惜乎難再清水芙蓉
之亭已矣無鄰淵明之隻鷄我亦頻招子由之小酌
公輒時速功名也富貴也匪吾所有詩酒也也嘯傲
也擬自家分內公棄我而先歸歸有何樂深沈夜臺
倘遇胤姪與吾兒左提右絜教授經史復作人間未
盡之樂耶鶴髮偏親幾乎失明錫原二茅痛切割半
孀閨晝哭穉兒血泣公若有靈靈亦悲矣樂少悲多

吾亦無辭於慰公靈也吾有大事殮未賵襚空未壙
訣天星一周人事萬變今夕何夕惟以一榼濁醪一
首時魚侑之以十行悲辭公庶幾知之也耶其或不
知也耶哲人云止精爽不滅公必歆之賦公以不世
出之才者天也處公以世公悲之地者亦天也天敢
怨哉公其慰矣尚饗

又

崇禎紀元後三丁丑三月初八日辛亥四從弟箕煥
仁煥謹以菲薄之奠侑祭于四從兄坪村金公之靈
嗚呼哀哉日月不居祥菴巷隔感昔傷今今將何以

慰九原之靈而紓無窮之悲也耶七耄春聞其奈西
河之痛予白首琴堂誰堪杞城之哭予以公止孝之
心宜家之德宜享必得之壽而今焉不幸而短命難
諶者天也難推者理也嗚呼哀哉惟公漢上淵源頤
齋嫡傳夙就實地之工而兼以問世之才識貫經史
心衡今古守約而致博包大而備纖慨然有扶世之
志而蔚然爲士林之望矣底蘊抱負一未見試而年
踰不惑中道而逝彼蒼者天未欲興起斯文而然耶
胡然而生此卓越之姿而胡然而奪吾模楷之速也
言念及此不獨爲私門之無福而抑亦爲世道之不

幸矣嗚呼哀哉惟茅之痛尤有甚焉者昔自髫齡負笈從之內受周親之眷外兼嚴師之教撫摩之深提撕之切恩浹肺腑義重山嶽默禱遐壽永蒙涵濡庶獲其尺寸之長矣後生無祿樛木遽摧從今以往余將疇依嗚呼哀哉公之沒也後進無所仰託而親戚無所期待儒風幾乎寂寞而學者將至頽廢顧此末學識見蒙昧將何以啓發乎文字疑會將何所取稽哉上以哭公下以哭私只切失聲於悵而已第念公之於舉業也雖是餘事工夫而每恨家聲之久替亦不無留意於若干年矣以平日博古強記之學作爲

哀英嚼華之文文質炳然優爲周官之採而三中鄉
解竟未大聞亦豈非多士之嗟惜耶嗚呼哀哉再昨
乙亥公遭長子之憾而惟恐重貽老親之憂忍痛吞
哭至受內傷者亦由於克孝之致而未周一暮繼而
奄沒尤爲戚戚而盡傷矣孰謂孝者大而善守禍乎
倘或天道無知而然耶所可爲慰惟是二哥哀姪年
幾及冠器局恢洪庶有繼述之望夫所謂德門之葆
休者必在斯乎必在斯乎嗚呼哀哉幽明永秘萬事
悠悠承接警咳浩渺無期陳迹荒涼已成千古百歲
瞻望惟彼墟墓臨奠長慟肝摧腸蝕人間情事只此

一酌不昧者存庶幾來格嗚呼哀哉尚饗

又

維歲次丙子四月庚戌朔初四日癸丑族姪堯錫以
非薄之奠四器果一楹醪痛哭于族叔學生公之靈
筵曰天固難諶理亦難知藩岳壽短季廢教奇吾人
多灾千古然疑嗚呼惜矣嗚呼痛哉門運衰薄玉山
先顏清標宇宙何處得來義必尊周願篤學孔大志
未遂風燭倥偬世泪芬華公獨貞純輝山蘊玉遊世
祥麟陳平好書信陵多賓忠孝古家平生率真一團
春和清明在身嗚呼痛哉天奪何速文空古定蘭馥

幽谷師受教誨虛我宗族讀書四十落魄其迹積苦
文房湯葱飯麥天降瘟疫長子先歿猿號龍時腸斷
血渴泣血未暮痛入髓骨白首老爺青春孀婦兒幼
妻老家事忘否自我薰陶二十年光義切師表情篤
同堂有愆必諱有枉卽匡詢數語結草難忘撫念
疇昔淚目傷腸有疑必質有事必論丹旌青山今焉
已矣雅韻隨聲空留蓬几新痛罔涯古迹無痕嗚呼
哀哉嗚呼惜哉尚饗

墓碣銘

維湖南名勝白羊山脉龍山西麓子生之原卽我六

代祖考諱詰煥字子明號瓠山府君之幽宅也府君
姓全氏貫蔚山文正公河西先生十代孫蓋蔚州之
金自河西先生大顯於世上下系詳見於先生狀碣
不須譜也曰孝賢曰尚祖曰那或皆通德郎高曾若
祖諱考諱迪休號樵隱妣密陽朴氏全州崔氏府君
初出諱烈煥杰煥繼出府君以 英祖庚寅五月十
日生于長城北二面白岩里二十九歲時戊午十一
月十七日移居于北下面中坪里卒于丙子三月九
日配江陵劉氏父碩宗文僖公敬后乙酉正月十三
日壬辰三月五日其生卒墓在長城郡北二面新倉

里後麓翰林塏于坐原嗚呼府君生有異質聰明強
記絕等才曷將有遠大之期十九志於學受業于翊
贊黃頤齋先生門下五書五經四年通讀還庭後專
治十書循環講磨群賢義理之書諸子百家之語無
不披覽可謂通經學能詩文之儒頗有繼先世祿後
昆之望年踰不惑忽焉長逝天耶命耶文正宗孫四
從兄清齋參奉章煥祭文曰文正公道學文義文章
爲東儒百世師享年纔五十一歲吾從叔父水樓先
生孝友天出經學精透世稱以吾先祖克家之孫享
年纔四十九歲公亦以純剛至精之性有博通無滯

之才尤精於性命理氣之學吾亦期公以吾先祖克
肖之孫公亦享年終四十六歲嗚呼天何豐於吾家
之學而蕃於吾家之壽耶難謀者天也已門戶之責
將誰任之于第之學將誰教之六經疑晦將誰質之
一門著龜將誰信之大極圖說之講惜乎難再清水
芙蓉之亭已矣無憐淵明之隻鷄我亦頻招子由之
小酌公輒時速云云四從弟進士公箕煥及蓬壺居
士仁煥兄弟祭文曰惟公羨上淵源頤齋嫡傳夙就
實地之功而兼以問世之才識貫經史心衡今古守
約而致博包大而備纖慨然有扶世之志而蔚然爲

士林之望矣底蘊抱負一未見試而年踰不惑中途
而逝彼蒼者天未欲興起斯文而然耶胡然而羊此
卓越之才而奪吾樸樾之速耶言念及此不獨爲私
門之無福抑亦爲世道之不幸矣嗚呼哀哉公之沒
也後進無所仰庇而親戚無所期待儒風幾乎寂寞
而學者將至頽廢第念公之於舉業雖是餘事每恨
家聲之久替亦不無意於若干年矣以平日博古強
記之學作爲衰英嚼萃之文文質炳然優然固官之
採而三中鄉解竟未大闡亦豈非多士之嗟惜耶六
經六藝無不貫通諸子百家無不融會一門之所倚

此士林之所推仰寔爲湖南一路學問上標準云云
蘆沙奇文簡公少受業于門府君贈奇童金賜詩曰
北在熊羆占夢初兒郎志氣巨人如真儒學業窮經
始才子文章做事餘馳騁何須班馬史沈潛莫若孔
顏書錦江甯日從河祖下盡淵源在是歟云又詠孔
子詩曰仲尼一太極元氣四時行幸生集成後吾道
日星明嗚呼以府君之博學多才德業文詞宜其多
貴世文獻而門表祚薄只存詩文一帙及挽祭若干
豈不慟惜生三男堯元堯亨堯貞俱有文行堯元早
沒孫達中道中道仲房出達中系伯父守中直中

季房出俱有學行曾玄不盡錄門議欲豎碣謬囑陸
文烏敢乎哉亦不敢辭衰穉家庭所記猥述如右系
之以銘曰 海東南州兮山佳水明生此卓越兮白
岩地靈湛祖肖孫兮體泉源長後進師表兮賁世文
章立訓啓迪兮薰德育英春誦夏絃兮詩禮家聲蘭
茁芝芽兮餘韻無窮貞珉顯刻兮百世永彰
丙子三月清明節六世嗣孫載碩謹撰并書

跋

此吾六代祖瓠山府君遺藁畧千府君卽我文正公
河西先生之十代孫於水樓爲三從姪清齋爲四從
弟樵隱迪休之子以其聰明英粹之資瀉家學又
就頤齋黃先生門三載攻苦通貫經傳精於性理之
學清齋許以文正先祖克肖之孫間治時文三中鄉
解然實非本意也棄去不復事凡有述作不爲傳後
計且經大亂遺佚太半不肖年迫八旬收拾精神閱
覓於古來中筭詩爲七十首科作試紙二件及瓠山
記一張有挽祭錄一卷照三代合綴府君之挽只二

首祭文五張而已也又有頤翁書一張論及於春秋
公羊傳詩三首叙情而付勸勉之意也兼以猥述碣
文累欲剗剛而未果矣今因汕巖遠友得廣布于世
辱孫榮幸此外何大謹以此叙其顛末

丁丑三月日六代嗣孫載碩敬跋